

Mag. St. D[...]



BIBLIOTHECA
UNIV. JAGELL.
CRACOVENSIS

6733

kat.komp.

33.

HISTORIA

II

ssimaj Gallo-

Britanno-Batava Fride-

rico V. Comiti Palat. Electori

data. Engellicus converssa

1620.

42

XLII. m. 5.

✓ XI. 44



SECRETISSI-
MA INSTRVCTIO,
GALLO-BRITANNO-BA-
TAVA, FRIDERICO V. CO-
MITI PALATINO ELE-
CTORI DATA:



EX GALLICO CONVERSA, AC
bono publico, in lucem evulgata.

Anno M. DC. XX.



SECRET
MAGISTRUS
GALLO
TAVAR
MITH



IN A
ANNO M. DC. XX.



SE
G



cato
cume
hisc
Rege
ces,
cuius
geren
quid
perfe

I
str
scen
pare
prun

*SECRETISSIMA INSTRUCTIO,
Gallo-Britanno-Batava, Friderico V. Comi-
ti Palatino Electori data.*

I.



SERENISSIME Princeps, alumne char-
rissime, à fidelissimo tuo Edu-
catore, exercitato Milite, & Versatissimo Politico, do-
cumenta non quotidiana cape: His seruatis, te seruabis:
hisce regna Britannia vnita, Hollandia defensa, Galliarum
Reges in officio retenti sunt: Hisce tu Casarem compe-
ces, Casar eris. Audi Educatozem, Magistrum, Clientem,
euius salus ex tua salute pēdet, secreta, sed seria consilia sug-
gerentem. A puero didicisti inter consilium & adulationem
quid intersit. Cauebis autem, ne ad alios arcana hæc imperij
perferantur, quæ si inimici tui rescuerint, iam tu periisti.

II.

IActa est alea, transisti Rubiconem, tenendum est in-
stitutum: cadere iam de fastigio tua majestas potest, de-
scendere non potest: Inter pares, viuere par non potest, qui
par es oppressit: aut omnes etiam tuæ potentia adiutores op-
primendi sunt, aut totum perdendum. Pauci reges ab hosti-

bus, multi ab æmulis, & quondam fidis, plerique ab intimis trucidati sunt. Alexandri tota progenies cæsa est ab Alexandri Ducibus. Hæc tecum perpendes, & Historicum, tuum rogabis.

III.

TVo in regno, si vnquam in vlllo, non est minor, sed maior virtus, quàm quærere, parta tueri: maior inquam, nam sine tuo labore, tuorum astu, versutijſque, tibi sunt omnia parta: vno verbo, si fateri inter secretissimæ arcana licet, Errore factus es Rex. At toto corpore tuarum ditionum sociorumque defendendum est, quod accepisti. Numera à Iulio Cæsare vsque ad Ferdinandum, inter centum, qui regna per vim occuparunt, non sunt quatuor, qui non eadem perdididerint, & cum tota familia perierint. Inter magnos Reges, paucissimi suo die defuncti: Inter quinquaginta Cæsares, quære tres, qui post multas seditiones, non dederint sanguinem inuidiæ vel odio. Inter Bohemiæ Reges, duo solum sine rebellionē regnarunt. Tu quorum locum tenes, pericula expauesce: Gladium contra Cæsarem sumpſisti, gladium non modò Cæsaris, sed cuiuscunque time) Dominus est vitæ tuæ, quisquis contemtor est suæ: Immò tanquam de inuasore & prædone triumphabit, quisquis te occiderit. Cautionem itaque à nobis, magnificentiam ab aulicis disces, fortunam ex defunctis, atque vtinam legendo, non experiendo,

IV.

TRia igitur hoc rerum statu circumspecies hominum genera: Hostes apertos, Amicos veros, & qui sunt vel ficti amici, vel recti hostes, quos omnes inter Dubios numeramus.

V.

HOstes aperti sunt, Domus Austriaca, Pontifex, Italici, & qui his sine fraude ac fuce ingenuè adhærent.

Contra

Contra hos opus est tibi, sumptu magno, diuturno, Ducibus magnis, fidisq̄ue, milite perpetuo: quia hæc illis adsunt: sapius vinci possunt, tarde debellari possunt. Nosti Hannibalem tribus magnis, decem mediocribus prælijs victorem, tandem bello victum, vestigalem, exulem, veneno tot decora perdidisse.

VI.

PAres sumptus, viresq̄ue, apertis hostibus non habes, ideò à fœderatis petenda sunt: in quo multa pericula. Primum ne grauentur impendijs. Secundò ne de re compensatione desperent. Tertiò ne casu aduerso frangantur. Quartò ne inter se dissentiant. Quintò ne alio bello implicentur. Sextò ne illis tua potentia inuidiosa reddatur. Denique ne quavis ex causâ, multi dissentientes, & quorum proposita contraria sunt, te deserant. Hæc exemplis te tua Germania tempore Caroli V. docuit, cum Principes prodiderunt Ciuitates. Valdè itaque considerandum, quomodo par hostibus esse possis.

VII.

NEque solùm hostium, quæ modo est, potentiam expendas velim, sed eam, quam extrema pericula, vel desperatio efficere potest. Qui vincitur, & magno animo est, vndiq̄ue arma habere potest. Quid si Ferdinandus, Leopoldus, Carolus, alij, extrema tentent? Si iura sua Venetis transcribant? Si Magnatibus Poloniae, vel illi Regno, Lusaciam, Silesiam, Morauiam tradant? Quid si ius suum non dico Hispano, aut Franco, sed cuiuis alteri offerant? Quid si fœderum vigore, vltro oblata à Turcis auxilia accipiant, vnde tu & Gabor petijstis? Putas Turcam tam speciosam causam deserturum? Quid si Hispanus cum Turca pacem faciat? Quid si Istriam, Carniolam, Carinthiamq̄ue Venetis diuendant? Itaque securus esse noli. victor inexpectato ferieris ictu. Miseriorum est industria: nunquam,

alto sanguini deest miseratio, nunquam afflictis auxilium,
Sed quid me diffundo? ferieris, à quo minimè putabas.

VIII.

DE Amicis, scito paucos esse tibi: Socer, Vxor, Dux
Bullionius, quidam agnati, Frater, si coluntur, amici
sunt: cæteri fortunam tuam venerantur, suæ spei, suæ pro-
motionis sunt amici, quibus nisi tu satisfacias, & citò ac
vberrimè satisfacias, experieris proditores ac transfugas.
Quotus enim quisque te tuâ, non suâ causâ secutus est? quo-
tusquisque recedens, tibi non maledicit? Sed de amicis tuis
speciatim considera.

IX.

Bohemi amici nequaquam sunt. Id verius, quàm
credibilis est, senties id tamen, vbi acta perpenderis.
Primum non honoris tui causâ, sed necessitate compulsi,
Te Regem dixere, & quidem à Saxone Bauarog; repudia-
ti; & magna tamen concertatio fuit, ne Saxonem inuitum
præferrent, aut Gabrielem. Deinde liberi esse statuerant
more Hollandiæ, & Venetiæ, & iam Helueticas Res-
publicas meditabantur, sed positi inter Duces & Reges,
et m viderent subsidia non dari à Principibus, in tam per-
nicioso exemplo, cum etiam aduerterent, in electione Im-
peratoriâ, rationem Statuum non haberi, sed Regis, non in-
consulium a bitrati sunt, caremoniali coronatione sibi
auxilia parare.

Tertiò clarius etiam odij sui signum in te iam osten-
dunt, cum eas tibi condiciones ferunt regnandi, quas mo-
derati Domini mancipijs imponere vix solent. In omnia
eorum acta agendaque iurare cogeris: si delinquas, ipsi tui
sunt actores, testes, Iudices, fortè & præcipitatores. Bel-
lum tu gerere, scribere militem, ijs inuitis, non potes; illi si-
ne te, & contra te possunt: Armamentaria habere tibi non
licet, illi habere volunt. Denique eorum Senatusconsultis
subscri-

subscri-
etiam
te mo-
rebus
ciant
igitur
cereu-
ad ea
Bohe-
ro, ne
rat, p-
re del-

C
été fac-
arbitr-

A
mem-
statum
succie-
nam p-
periu-
at con-
ris, v-
suppl-
Hussi-
tatis v-
coron-
dum-

H

subscribere cogēris, etiam in tuum, & tuorum opprobriunt,
etiam contra tuam salutem; ni faxis, Rex non eris. Neque
te moueant blanditiæ & obsequia: plus affectat in huiusmodi
rebus simulatio & ostentatio, quàm veritas & amicitia faci-
ant. Fictioni multis opus est tegumentis, ne pateat. caue,
igitur illis credas. Naturam eorum perdisce: inter vapores
cereuisiæ, ructusque, iam saturi & oppleti deliberant; atque
ad ea, quæ cogitarunt, efficienda, præcipientes sunt celeresque;
Bohemia indigenis Regibus semper nouerca fuit, tibi exte-
ro, ne spera matrem fore. Dum alios timet, dum à te spe-
rat, paulum interquiescit, te si timere cœperit, à te si spera-
re desierit, redibit ad ingenium.

X.

CVM igitur Bohemi naturâ sint asperi, efferi, contu-
maces, in consilijs abrupti, in executione inopinati, re-
ctè facies, si te nondum Regem esse, nec ipsos, tuos subditos,
arbitreris.

Arborem te esse cogita, quæ non radicibus fixa, suis ipsa
membris firmetur in terram depressis, sed quam fulcra &
statumina sustentant externa, quorum nonnulla de facili
succidi & abrumpi possunt. Perpende nullam esse diutur-
nam potentiam, quæ suis viribus nixa non est. Tuum im-
perium, non nisi consensu parentium, validum esse potest;
at consensus ille momentaneus volubilisque est. Experie-
ris, vbi Austriacos timere desierint, vbi tributa exegeris, vbi
supplicia decreueris. Immò non obscure te Lutherani &
Husitæ detestantur, Saxonemque respectant, vt suæ liber-
tatis vindicem. Nec defuerunt, qui censuerint, te puerum
coronandum & tollendum, vt Augustum Cicero laudan-
dum & tollendum dixit. Tu ne committe, vt tolli possis.

XI.

HÆc vt penitus peruideas, cognatum Mauritium &
Hollandos specta. Nemo ab hominum memoriâ pe-
riculosus

riculosius, feliciusque pro patria gessit bella, quam Mauri-
tius: nemo paternam memoriam gratiosior fuit: in nullum ma-
ior ciuitatum affectus fuit. quæ enim non dixerunt fece-
runtque, cum triumphantem exciperent? quæ non dede-
runt pollicitique sunt, cum etiam Virgines nudas publicitus
offerrent. Nunc verò nisi occupasset facinus, ille cadauer
esset, regnaret Barneuelcius. Causa est, perpetuum certa-
men inter libertatem & regnum. Eadem est in Bohemia.
Tu cupis esse Rex absolutus, non larua Regis. cupis omnes
tibi subditos esse: illi cupiunt esse maximè liberi, nec Regem
quicquam, nisi quod illi volunt, posse. Dum igitur illi
immoderatam petunt libertatem Regibus dominantem, Tu
non precarium, sed obnoxium in subditis obsequium, neces-
se est motus oriri, vt nunc videmus in Belgio, vbi omnia
tentantur, nec tamen magnis multorum odijs vlla potentia
par inuenitur. Itaque præstabit Belgium totum in serui-
tutem rapere, quam tam anxio imperio tenere. quod nunc
mutatis, pro conditione temporum, magistratibus, felici-
tèr inchoatum est.

XII.

Venio ad alios amicos, quos difficultèr inuenies, si
iudicaueris Bohemos amicos non esse. Gabor Trans-
sylvanus tibi amicus non est, sed odio Cæsaris, & timore, fœ-
dus tecum pepigit, vt dum te obijcit periculis, ille Hunga-
riam teneat muniaturque. Bohemiam regnum & ille affecta-
uit, sed spe suam frustratus, ringitur, quod tecum hanc
partiri prædam debeat; cum primum poterit, quod dimi-
sit inuitus, omni conatu recuperare contendet. Suam te Re-
gem factum iactitat operam, præmia petit; Nouit is probè,
non posse Hungariam, contra Turcas, Tataros, Venetos,
Polonos, ipsos Hungaros, à se defendi, nisi alijs Regnis
Prouinciisque adiectis. Bohemiam itaque, additaque illi
ditiones, suæ Coronæ esse necessarias non immeritò putat.
Cum

Cum verò ius eligendi Regis in Bohemia Proceres sibi vendicent, non difficultè in suam sententiam hos pelliciet, facietque tibi, quod tu Ferdinando, & quod ipse Domui Austriacæ. Immò si Cæsar illi Hungariam in feudum donet, nisi à moribus suis denegauerit, omnibus paratus erit contendere viribus, vt Bohemia Austriacis restituatur.

XIII.

Multò minus Turcam fidum amicumque existimabis. Iucundissimum ille sibi, in vestibulo Portæ suæ, spectaculum de vestris pugnis exhibet: Victor pariter & victus præda eritis. Sic arietes, spectante lupo & inhiante, concurrunt: Sic galli gallinacii, plaudente aquila, præliantur. Axioma Turcarum est, nulli Christiano, nisi commodi sui causâ, amicum esse. Nullum hæctenus bello, si omnes euoluas annales, iuuit, quem non in miserandam redegerit seruitutem, fidem sola vtilitate ac qua studeat metitur. Tot opum ac virorum impedijs pro Hungariâ depugnauit, toto Europæ corpore illa defensâ est: At

----- Quod optanti promittere nemo
Auderet, voluenda dies en obtulit vltro.

Sine sanguine, sine sumptu, Hungariam tenet, per vasallum fidum possidet, tributum accipit, ius traducendi exercitus habet. In Morauiam, Bohemiam, Silesiamque, & si non statim mouerit, tu semper eum expectabis. Nam Gabriel eius præsidio Transsylvaniam obtinet, eiusdem, Hungariam occupat, Bassæ subsidio militem paratum habent, vocati & inuocati aderunt, Vrbes pro cautione ac pignore, vt Lippam in Transsylvaniâ, accipient.

An tu fore speras, vt Turca suis moribus non vtatur? cur tam perfidè atrociter, periculoseque Germaniæ imperium infestauit, si nunc te securè regnantem finet? At seruet sanè fidem, at tu illi credere nequaquam debes, quia

nunquam hactenus seruauit fidem. Legationes igitur tuæ, quas partim præmifisti Constantinopolim, partim nunc adornas, profusa etiam donaria, quibus Turcas demereris, subiectionis tuæ Symbola erunt, securitatis vades non erunt. Hoc sanè horrendum est, Regnum tuum, cum primum violare fidem visum illi fuerit, in eius fore potestate, si ad altam te portam suam vocauerit, eundum esse. Si vt arma Turcicis coniuncta contra quempiam Christianum, conuertas, iusserit, idem facere cogêris, quod ante biennium, tuus Gabor fecit, contra Polonos exercitum suum, Duce Schender Bassâ, expediendo. Nec insolitum tibi videri poterit, si fidem Turca fallat, cum ipse, vt te Gabor taceam, tot modis, iusiurandum & fidem regnandi causâ violaueris, & exemplum contra te dederis. Ego verò puto Turcam & tibi & Gabrieli tunc fore infestiozem, quum vos felices putabitis. Nam Turca hactenus id egit, vt discordijs Christianorum rem stabiliret suam, nunc si Te, Gabrielem, Venetos, ac Principes quosdam Germaniæ concordēs viderit, sibi timebit: Itaque pulsus Austriacis, vos dissipabit, disunctos inuadet, Te per Gabrielem, Venetos per alios vastabit.

XIV.

QVæ de Turcis, deq; Tuo Transsylvano Gabor attingi, vt vberius nôris, iuuat, cognosces autem ex litterarum copijs fidelitèr ex originali transcriptis. Disces sanè ex illis artem cum Turcis tractandi, nec pudeat pigeatq; à Veterano, quique magnam virilis ætatis partem apud Turcas contriuit, tyronem in hâc palæstrâ discere. Sed & intelliges distinctè, quem in scopum curas cogitationesque suas Gabor direxerit. Vt autem promptius assequaris, quæ prioribus litteris habentur: Scire debes, Gabrielem Tuum, contra Principem ac Dominum suum, validum Turcarum, exercitum, in ipsa Transsylvaniæ viscera duxisse, eâque miserandum

seran
Bath
frian
uania
dum
Tran
uit,
publ
tum
men
cinct
Totu
cupa
tus
fede
eupa

nobi
ad V
castr
quau

E M

S
dien
tent
orne

serandum in modum vastatâ direptaque, sublato Gabriele Bathoreo, Principatum sibi firmasse. Turcas, multis Christianorum millibus in diram seruitutem abductis, Transsylvaniâ excessisse. Ut igitur nauatæ operæ promissâ iam dudum præmia, Turcis exsoluerentur, collectis omnibus Transsylvaniæ viribus, bellum contra sanguinem suum mouit, quas Turcis promiserat arces, valida Christianæ Reipubl: præsidia, iisdem consignaturus. Præsidarij tantum facinus auersati, cedere noluerunt, sed muris vitormentorū deiectis ac dissipatis, Lippa in primis mœnibus cincta, ac duplici arce munita, deinde Solymos, Eperies, Totuaraggya, Margita, Monostor, Arad, Syri, Fæfat, occupata, Turcisque in manus tradita, longèque maior tractus Hungariæ Turcis hâc deditiois ratione cessit, quàm sedecennali superiorum annorum bello, ab iisdem fuerit occupatus.

Posthunc tam heroicum (Turcicæ videlicet seruituti nobilissimam prouinciæ portionem mancipando) actum, ad Vezirum Nakas; Hasanem Bassam, priores litteras ex castris ad Lippam positis scripsit: Posteriores vndenam, quæ occasione dederit, ex ipsis percipies.

EXEMPLVM LITTERARVM

Betlemi Gabor ad Vezirum Nakas;

Hasanem Bassam.

Spectabilis ac Magnifice Vezir Bassa, mihi semper beneuole, honorande Domine; Deus Vestram Magnificentiam conferuet, fortunatam reddat, & vnum ipsius diem in terris, in multa millia propagando, in seruitijs potentissimi inuictissimiq; Cæsaris, beatâ prosperitate exornet.

Ab annis compluribus inter nostrum potentissimum, inuictissimumque Casarem, & regnum Transylvaniae, alienationes disceptationesque intercurrerunt, ob adeptam, nec redditam Lippam. Diffiteri non possumus, plurimas easque iustas ac euidentes causas fuisse, ob quas nec Regnum, nec qui hucusque fuere Principes, adduci potuerunt, ut eam redderent. Nam ex quo priscorum Hungarorum progenitores, relicta Scythia, ferro absumptis harum terrarum incolis, Regnum acquisuerunt, nullo unquam tempore, vel auditum, vel lectum alicui, quod gens Hungarica, non dico, Arces, Ciuitates, tractus integros, sed vel palmum terrae, sine armis, sine sanguine, sine caede, gratis alicui concessisset. Ex quo autem gens Othomanica contra Hungaros bella gerit, quacunque in arce soli Hungari milites fuere, quantumuis valida impressione premerentur, haud sese dediderunt, ad unum omnes interuisione deleri pro defensione patriae maluerunt. Testantur id Alba Graeca, Temesuar, Gyula, Szigetum.

Nunc nostrae actiones, & aduersus potentissimum Imperatorem declarata sincera fidelitas, longè aliter habent. Nam ut in potentissimum Imperatorem, veram fidelitatem nostram, restitutione arcis Lippae, comprabaremus, ob practicas plurimorum Germanizantium, accedente praesidiariorum rebellionem, & exercituum nostrorum multiplici difficultate, multorum insignium militum nostrorum sanguinis ac vitae profusione, Ciuitatem assultu, Arcem validam impressione occupauimus, ut vel hac ratione potentissimo Imperatori gratificaremur. Interea ex parte Germanorum, tamen sub pacis praetextu, multa donatiua deferantur potentissimo Imperatori, alia tamen ex parte Georgium Homonnai in Transylvaniam, Soiban Waiuodam, in Valachiam, valido exercitu instructos expediuerunt. In subsidium quoque arcis Lippae (ne uidelicet reddi illa per nos

nos posset potentissimo Imperatori) ad instantiam præsi-
diariorum, validus contra nos exercitus fuit expeditus. Ve-
rum nos, accelerato itinere, illius aduentum præuertimus,
& iam ciuitatem occupaueramus, cum hæc auxilia superue-
nerunt, Interim & arcis oppugnationem vrgendo, & con-
tra aduentantes in campis depugnando, Deo adiutore, con-
tra utrosque feliciter rem gessimus. Arce igitur occupatâ
& euacuatâ, iuxta clemens mandatum potentissimi Impe-
ratoris, Lippam, vnâ cum quinque arcibus & castellis ad
eam spectantibus, nos ipsi in manus Beglerbegi Temesua-
riensis, Spectabilis ac Magnifici Mehmet Bassæ, consigna-
uimus.

Ob hanc æternâ memoriâ dignam fidelitatis nostræ de-
clarationem, cui parem nemo huc vsque in tota natione,
Hungaricâ, fortè nec in aliâ, versus Othomanicam gentem
exhibuit, quàm clementem protectionem, quantam bono-
rum affluentiam sperare debeamus à nostro clementissimo
summæque dignitatis Cæsare, quam amicitiam beneuolen-
tiâque à Vezeris, quam ab vniuersâ Musulmanica gente
gratitudinem, id nos, summi in primis Dei, ac per totum,
orbem diffusarum gentium ac nationum, perennaturo iu-
dicio committimus. Capitis nostri, vitæque propriæ dis-
crimine, tot insignium militum nostrorum sanguine, tam,
grande obsequium præstitimus, vel hac ratione, gratiam ac
fauorem potentissimi Imperatoris demereri satagentes.
De totius negotij cursu, deq; postulatis nostris, quæ poten-
tissimo Imperatori repræsentamus, Vestram Magnificen-
tiam, Orator noster, qui illic est, plenè edocebit, rogantes
cum omni affectu Magnificentiam Vestram, digna postu-
lata nostra, suo fauore promota velit, quod nos vnâ cum no-
stro regno, omni gratitudine demereri conabimur. Deus
conseruet Magnificentiam Vestrâ diutissimè incolumem.

Datum in castris nostris ad arcem Lippam positis, die x i v.
mensis Iunij, Anno 1616.

Magnificentiae Vestrae
Beneuolus, Amicus, Seruitor,

Gabriel Betlem.

POSTERIORES LITTERÆ BET-
lemi Gabor ad Schenderem Bassam.

Spectabilis ac Magnifice Bassa; Bonis omnibus cumulet Deus Magnificentiam Vestram. Quam sincere ac fraternè, quàm gratobeneuolòque affectu, conatus semper fuerim, Vestrae Magnificentiae seruire, summus Deus mihi sit testis. Nescio tamen, quò meo merito, Vestra Magnificentia, in meam perniciem, & apud splendidam portam, & alibi, multas fodit foueas, in quas ne precipitarer, Deus hucusque protexit. Ego in vestram Magnificentiam nunquam deliqui, quin potius, quantum potui, demereri laboraui, & vix non seruus ipsius vestigalis fui. Quolibet enim anno, multa donaria, supellectilem argenteam, pecuniam numeratam, salem debui, V. Magnificentiae pendere, quarum rerum testes habeo, quos producã, cum oportunum fuerit. Ex ijs cognoscet splendida Porta, qua ratione Vestra Magnificentia Transsylvaniam emungat. Non solum coram, sed & apud Legatos, splendida semper verba dedit mihi Vestra Magnificentia, multis iuramentis promisit beneuolentiam, interim conatu omni exitium meum procurauit. Hucusque dissimulaui. Litteras, quibus Vestra Magnificentia, post meum ex Transsylvania abscessum,

sum, S
ratus f
tia Ve
ris ha
ac neg
ficent
sylvan
bulcum
stra M
ita nec
ipsi ha
Ce
mo m
Domi
nunc i
nunc v
ricam
ad ped
tia vn
Regiã
post d
rat om
lia, an
potent
proflig
nam c
illos i
pauco
Boher
Imper
tus on
cum m
ego in

XI V.
ET-
sum, Saxones allicit, heri accepi, quas vbi perlegissem, miratus sum vehementer, quod nondum desistat Magnificentia Vestra à practicis Transsylvanicis, cum tamen nihil iuris habeat in Transsylvaniam, nec existimet deposuisse nos, ac negligere curam Transsylvaniæ. Rogo itaque Magnificentiam Vestram, à practicis huiusmodi desistat, in Transsylvaniam ne scriptitet, certò sibi persuadeat, cum ijs, quibuscum cœpit, rem hanc non perficiet. Ego negotia Vestræ Magnificentiae non attingo, cum id mei non sit officij, ita nec Vestra Magnificentia res meas dirigat, cum nemo ipsi hac in parte quidquam commiserit.

Certò credat Magnificentia Vestra, quod & ego existimo me talem esse seruitorem Cæsaris, mei clementissimi Domini, qualis est Vestra Magnificentia. Seruiui, sed & nunc indies seruius Potentiæ suæ, cum omni iustitiâ, quod nunc vel maximè testatum feci. Totam siquidem Hungaricam nationē, eodem prorsus modo, quò Transsylvaniam, ad pedes potentissimi Domini perduxi, Isti iam Suæ Potentiæ vnâ mecum fidelissimi erunt. Maneo nunc Posonij in Regiâ Hungariæ, Corona in meis manibus est, Deo gratiæ, post dies decem Hungari sibi Regem eligent. Conuenerat omnis exercitus Ferdinandi, erant vltra sexaginta milia, ante pontes Viennenses confliximus, & magnus Deus, potentissimi Imperatoris auspicijs, Victoriâ largitus est, profligauimus inimicū, vltra Danubium pepulimus; Viennam conclusimus. Nunc exercitus nostros traicimus, vt illos iterum inuadamus, & si Deus fauerit, Vienna quoque, paucos intra dies, in potestate mea erit, Totum regnum, Bohemiæ, regnum Morauia, regnum Silesiæ, potentissimo Imperatori fidum ac beneuolum effecimus, eorum exercitus omnes penes me habeo, ex omnibus Regnis, Legati cum muneribus destinantur ad lucidam portam. Talitèr ego in seruius potentissimo Domino; Vestra autem Magnificentia

scientia clanculum vult meos subditos à me auellere, ad rebellandum inducere, ob quod certè nunquam ei seruiam. Deus sit cum Vestra Magnificentia. Posonij, 4. Nouem. Anno 1619.

XV.

VENETOS ne ipsos quidem amicos arbitrabere, multæ causæ sunt: Prima, Aristocratia tuentur, & Principem non nisi in specie habent, plebè contemnunt, Patricius sanguis solus imperio dignus censetur. Naturâ itaq; inimicus est Monarchiæ eorum status, nec expedit tibi, Tuos proceres familiares esse Venetis; amorem enim Libertatis odiumque Regum addiscunt. Secunda, Veneti mali Vicini sunt, cum nullo Italico pacè colere potuerunt, nullum Vicinum habent amicum, omnium Vicinorum ipsi sunt æmuli. Patuit id nupero ad Gradiscam bello, quo ex Hollandiâ alijsq; locis auxilia petere debuerunt. Ne dubita, nec tibi quidem erunt amici. Tertia, Tu & illi pariter dilatare regna, & Vicina imperio adijcere satagitis, non igitur diu inter corrivales pax esse poterit. Quod nunc Tibi & Gabrieli blandiuntur, causâ est, quia tuo labore ac sumtu, quàm maxime Austriacos atteri cupiunt, quorū magnitudini inuident, adeoque nullum Vicinum habere, quem timeant, exoptant. Itaque si vel Tua, vel Gabrielis potentia eò perueniat, Vt illis sit formidanda, omnibus machinis obsistent. Olim Lusitanix Regibus Indicam nauigationem intercludere voluerunt. Omnibus enim Christianis inuident se potentioribus. Turcam tolerant, eiq; adulantur, cum tamen ab illo & premantur & spolientur. Deniq; fac, ad nutum omnia ire Gabrieli, fac ipsum Turcicis copijs adiutum, Styriam, cæteraq; Cæsaris occupare, & Coronæ Hungaricæ adjungere, tunc demum necesse est pacem inter ipsum ac Venetos discindi. Nam ne dubites, eo rerum statu, Gabor illa quoque reperet, quæ Veneti ab Hungaricis olim Regibus, cum eos Turca

preme-

premeret, vfi occasione alienæ calamitatis, in suam nassam auerterunt. Quod si vetera noluerit mouere Litigia, certè præsentia nequaquam negliget.

Par autem Venetis erit, Transsylvaniâ, Hungariâ, Styriâ, Carinthiâ, & Austriâ vnitis, & in vasallatum Turcæ datis. Ac tum quidem ad nutum magnæ Portæ, peribunt nobiles Venetiæ, cum aduersus duos validos terrâ marique hostes defensorem non habebunt, Quæ omnia tam timenda sunt, quàm non sperandum est Turcam vel Gabrielem, datâ occasione augendæ potentia, carituros prætextu violandorum fœderum, quasi non sit facturus Veneto, quod fecit Cæsari. Nec ignorant ista Veneti, sed inuidiâ in Domum Austriacam flagrant, futura pericula non æstimant. Nihil enim inuidiâ potentius, vtpote quæ seipsam consumit ac deuorat.

XVI.

IN Principibus, vrbibusque Germaniæ, quamdiu illis tecum est communis metus, spem locabis, ille vbi desierit, suas quisque res ager. Illi tantum sui defensionem, & incrementa quærunt, eaque ex bonis Ecclesiasticis, alia enim quæ dones non habes: Hæc spes si decoller, bona si acceperint, cum omnibus satisfieri nõ possit, odissè incipient. Nam in hac diuisione, juxta legem, tibi potiorem partem applicabis, fratrique tuo, & tot Palatinis non abundantibus. Ciuitates etiam suâ meritò reposcent præmia, nam pecunias gratis non exponent. Deinde Te Vrbes Libera, & maximè finitimæ, valdè metuunt, vt VVormatia, Spira, Francofurtum. Iam verò si fies potentior, etiam te Noriberga, Vlma, formidare occipient. Putant enim Te sibi velle dominari, aut sanè, si velis, posse, semper enim cogitat infirmior, non quid debeat facere fortior, sed quid possit. Tertio facilè inter Principes discordiæ bellaque oriuntur, Vrbes pleræque Senatū suum oderunt, nec dubium,

vbi timor Cæsaris abfuerit, quin ciues admodum vexati ha-
ctenus, Senatores eiekturi vel occifuri fint. Nuper se Fran-
cofurtum, V Vormatia, Noriberga commouit. His veftra
liga diffoluetur.

XVII.

Hollandorum etiam amicitia cautè niteris, nifi
Mauritius eos planè subegerit. Socero tuo Britanno
ante duos annos diffidere cœperunt, nunc Mauritium co-
gnatum tuum oderunt, quia illum viam ad principatum af-
fectare haud vanè conijciunt, Et tu quoque fufpectus effe cœ-
pifti, fed quia grauiori in Hifpanum odio ardent, idcirco
Tibi fupperias ferunt: Sed illi quoque ita te adiutum vo-
lunt, vt viciffim illis fis auxilio, fed occupandum Europæ
imperium, quo magnis animis, & varijs adfpirant artibus.
Et nifi me augurium fallat, inde prima quoque mali labes
focero Tuo alijsque timenda eft.

XVIII.

Regem igitur nouum te effe confidera, certiffimas
multorum Regem inimicitias fufcepiffe, paucos habe-
re amicos, faciendaque illa omnia, quæ nouis hominibus
quondam Tullius præcepit.

XIX.

Nunc quid agendum fit vides, etfi ipfe, fatis per te
fapiftibi, & confiliarios habes verfutos callidofque, ta-
men & hæc noftra proderunt.

XX.

Dvabus rebus hæctenus valuifti, Prudentiffima fi-
mulatione, diffimulationeque; Deinde celeritate. Prior
ars jam vim perdidit fuam, altera igitur vtendam. Simu-
lando enim & diffimulando in Europâ fallere nullum po-
tes, Itaque artem nil profuturam definas cenfeo. Extant
tuæ litteræ, tam placidæ, amicæ, ambitionis expertes, vt ab
ipsâ

ipsâ virtute scriptas esse putes, candidissimâque Simplicitate. Interim cum Hollandis, Venetis, Turca, Gabriele, cunctis, qui prodesse vel obesse poterant, ictum fœdus. Inopinatè rebellant Bohemi, deficiunt Silesij, Moravi, Austriaci, & quasi à machinâ, nouus adest è septem montibus hostis. Mihi iurati affirmarunt nec Cæsarem, nec Principes Papisticos credidisse, Te regem esse velle. Cum electus esses, perstitisti in simulatione, & resbellè successit, credo Papistas credere, te præ amore Cæsarem Bohemiâ exclusisse, sed seriò. Noli arbitrari vllum Papistam esse tam fungum aut caudicem, vt credat tibi esse credendum. Quod si tibi credere se dicant, & iurent, tu credas eos Tui causâ peierare. Hoc moneo, quia manifesta simulatio odium magis exasperat. Qualis fuit illa in tuo programmate, cum hostem vocares Turcam, & significares tibi animum esse, contra illum tua defendendi. Odiosum est, sic Principibus collegis stultitiam suam exprobare. Cuncti enim narrant, & ea de re litteras Bohemorum tenent, Gabrielem, adeoque Turcam in subsidium vocatum, à quo & Polonus ab infestandâ Silesiâ deterretur. Quid igitur Tu cum hostem vocas, & auersari simulas, cum ille Tibi Dominus, fautor, auctor & conciliator regni sit? Sine illius veniâ nec Gabriel venire, nec Polonus impediri, nec Tu rex esse poteras. Cum igitur in eius te clientelam dederis, amicum fore sponderis, legationibus missis, magna ac multa obtuleris, idque constet passim omnibus, non puto negandum. Nam Betlemum etiam Bataui nostri risere, quod contra Turcam muniendos fines dixisset, cum ipse in medio regno, Lippam, aliasque arcès vi expugnatas vltro Turcis tradiderit, cum intus in corde ac cute Turcam alat foueatque, cum Viennam Turcico iugo subiiciendam, datis ad Turcas litteris, promittat. Itaque magis auctoritati consules Tuæ, si te Turcæ dicas confœderatum, & minêris te eum addu-

Aurum. Ægrè ferent hoc vrbes Germaniæ, sed quid refert? liberè confitère, & factum esse rectè, defende, quod negari non potest.

XXI.

HVc etiam pertinet, quæ reliquo in programme est excusatio; Non enim vllum mouere poterit, si dicatur, Iustam esse alieni regni occupationem, eò quod secta quædam in eo fuerit, quæ magnos Principes seduxerit. Quid enim alijs fiet regnis, si ista admittantur?

XXII.

ALtero ergo stratagemate vti perges, & præualebis, Celeritate, inquam. Itaque rectè est factum, vt in ipsa coronatione, in Bohemiâ, Moraviâ, Hungariâ, Austriâ, pressò pede hostem insequeremini. Si sic victoriâ vtemini, paucos intra menses, pedem in Germaniâ non habebit Imperator. Ex vnâ victoriâ gradum ad aliam facies. Hoc vide, ne des tempus respirandi. Decimas retine, nam reddendo timoris suspicionem præbebis, retinendo fiduciam, ostentabis. Omnia occupa ante ver proximum. Habes Spiram, Moguntiam, Treuiros, ab his incipe, opes habebis & nomen, nec deerunt, qui tibi aderunt. Ver timendum est, sed confœderati Tui, maturè tibi suppetias auxiliaque submittent. Denique celeritate eadem vteris continuè, quamuis fortè successus aliquis tibi requiem suadere possit. At scito nihil esse periculosius securitate. Itaque audacter perge, omnes moue, Gallum demereri stude, cæteros omnes. Semper aliquid inueni, quod te alacrem ostendat, Prorumpe, vbi non expectabaris.

XXIII.

Denique hoc memineris: Aut omnia, aut nihil. Hoc semper diximus, si vnum pedem Austriacæ ditionis, si vnum opidum Episcopatus alicuius expetis, habenda sunt

da sunt omnia: facilius eris Imperator, quàm defendas priuatus Princeps Elector aliquam Abbatiam. Nam si parte aliqua contentus sis, ea tibi ab eo, quod non accepisti, eripietur. Tigridis catulum rapis, mater insequetur, si vtrumq; irretias, quietâ prædâ fruëris. Diuidi regnum non potest, totum haberi potest. Non fert duos Soles Germania.

XXIV.

HÆc communiter agenda sunt, Nunc superest, vt memoriae causâ, te moneamus, quomodo cum singulis agendum sit, & primum cum Cæsare. Cæsarem verbis tractabis humanissimis, ac sericis planè, peres, vt regnis cedat, te filium agnoscat, afflictissimos subditos ne turber, Iesuitis ne credat. Eam quoque ob causâm soceri tui Britanni legatum subornasti, ac pacis concordiaëque spem verbis ampliter ostentare rogasti. Interim omninò machinare, vt Cæsar sit in tuâ potestate, Sic enim Rex Romanorum citò eligeris. Verum hîc considera, quod diximus paragrafo septimo. Non esse ad desperationem Austriacos redigendos, nisi simul capi vel occidi possint. Nam extrema desperatio sæpe est causâ victoriæ. Furor arma ministrabit, & inuenient tibi hostem vndecunq;e. Tantum corpus sine sonitu non cadet, alios sternet, alios trahet. Timeo ne si ipsi viderint, suâ tueri non posse, cuius malint quàm, inimico sua dare. Nec culpâre illos tu potes, si enim, vt latius regnares, cum Turca foedus iniisti, ipsiq;e aditum in Germaniam aperuisti, quid illi non facerent, vel salutis, vel dignitatis, vel denique vltionis causâ.

XXV.

CUm Romanensibus, hoc est, Pontifice, Episcopis, Clero, moderatè ages, si quid tamen accepisti, retine, ne leuiter fecisse videaris. Ratio, quia totum hoc genus quieti deditum in Germania, & si cibum suggeras, si palpes, si colas, haudquâquam insurget. Vt animalia quædam, si

mandræ plenæ sint, torpent stertuntque innoxia, fame effe-
 rantur: Ita hic quoque res habet. Si milites colligant, ne
 moueare, etsi enim duplo maiorem & meliorem exercitum
 habeant, nunquam te offendent, eum continebunt, se & suos
 consument, tandemque tuæ se protectioni committent. Ac
 si ad desperationem illos adegeris, reperient vindictæ mo-
 dum, nec morientur inulti. Bruta etiam pro pabulo de-
 pugnant. Timeo enim, ne se dedant potentibus, oppigno-
 rent ditiones, ne Gallus aduocetur, ne alia fiant, de quibus
 sæpe actum est. Si enim velint, milite, pecuniâ superare
 poterunt, volent autem, cum eos necessitas acuit, cos virtu-
 tum & vitiorum limitissima. Itaque hoc age, vt eorum,
 Consiliarios faciastuos. Canonicos, Nobilisque viros at-
 trahas, omnes enim aliquos officiales, etiam militum Du-
 ces habent reformatæ religionis, per quos omnia expisca-
 beris. Cum verò indagine cinxeris, vt externa implorare
 haud possint auxilia, vno impetu, etiam cum puluisculo, eos
 exue, & opes omnibus formidandas accumula. Hoc sem-
 per time, ne illi aliquid tam inopinatum tibi inueniant,
 quàm tu illis inuenisti. Extrema vitabis. Veneti vt do-
 mum obruant Austriacam, tanta largiuntur, quid facient
 Romani Cardinales, vt se feruent? De expeditione Itali-
 cã cælabis, nec admittes mentionem, ex improviso enim
 opprimenda est.

XXVI.

Cum magno Turcarum Imperatore ad Portam, per
 legatos Soceri, Venetorum, & Hollandorum jam
 actum transactumque est, ne ægrè ferat se in diplomatibus
 tuis hostem vocari: Non enim posse alio modo illi in Ger-
 maniã amicos parari. Interim ab eo periculum esse tibi sci-
 to. Non vrgebit sibi munitiones in Moraviã constitui, an-
 tequam Romano imperio inaugureris. Eò vsque etiam,
 differas excidium Lutheranorum, quos postea, rebus tuis

certo

certo
 cauē
 Austr
 nire.
 tute
 Gabr
 ejus
 ego a
 D
 sed m
 facies
 cies,
 test
 coles
 lum

B
 mera
 poter
 Non
 tamen
 rum
 do, re
 Si
 tiam
 rius
 mop
 rum
 altius
 I
 vt la
 si in

certo stabilitis, commode exterminabis. Interim modum cauendi Turcas vix vllum video: Si enim vno anno delere Austriacam progeniem posses, & Germaniæ viribus te munire, deinde Gabrieli persuadere, vt ab Othomanica seruitute recedat, haud dubiè Turcæ resistere posses. At nunc Gabriel id potius agit, vt Turcæ subdat quàm plurimos, & ejus Monarchiæ fines stabiliat proferatque. Quod quidem ego arbitror esse boni serui, sed miseri Regis.

Dum verò in illo metu versaris, Bassas omnibus modis, sed maximè pecuniâ conciliabis. Purpuratos aulæ tuos facies, nam munera si mittas, omnia impetrabis, idque facies, etiam si hostis sis. Nam in magno regno plus sapè potest Consiliarius, quàm Princeps. Interim verbis Turcas coles, omnia promittes, sed ita, vt noris officium ibi nullum esse maius & potentius nummo.

XXVII.

Bohemos tuos ita tractabis, vt habeas subditos, vtque filios tuos Reges eligant, & filios filiorum. Nam temerarium esset, in mediam belli flammam se conijcere, si poteris tuis inuidia solum, non etiam regnum quæreretur. Non facient sponte, aut sanè si facturos speras, prudentis est tamen sibi suâ prouidentiam consulere, non ac astu comitiorum pendere. Subdes autem eos simulando, promouendo, remouendo.

Simulando nimirum summam securitatem & confidentiam, vt nemo propositum tuum subodorari possit. Tiberius tibi præceptor esto, qui eos, quos euertere cupiebat, summopere honorabat, deinde securos opprimebat. Hoc scitum: quia honores pauci moderatè ferunt, ideoque semper altius ascendere, quàm oportuit, moliantur.

Promouendo tuos, immò & hostes, sed tolle in altum, vt lapsu grauiore ruant: Nemo hostem facilius vincit, quàm si in altum ducat, vnde se præcipitet? Belgium & Britan-

nia prouexit & extulit quàm multos, sed quos certò ruituros expectabat, & ceciderunt, cadet alius, qui sequitur, ac fudit. Promoue antè Tuos, quos putas fidos, alios, quos putas casuros.

XXVIII.

Remouendi sunt audaces, alterius religionis homines, libertatis amantiores, quàm regno expedit.

Audaces & temerarij cauendi, quia gratiosi vulgò, & magnanimi habentur. At Regum securitas in submissiōne & pusillanimitate subditorum consistit. Exempla in promptu & propè sunt.

Lutheranos & Hufsitās suppresses, vt in Angliā Puritani & Lutherani pressi sunt. Papiſtæ & Anabaptiſtæ nihil molientur, satis enim attriti sunt. Lutherani pari iure cum reformatis contendunt, Saxonem iactant, ab exteris firmantur. Itaque eos in ordinem redige, quemadmodum in Hollandiā Remonstrantes siue Arminiani redacti sunt.

XXIX.

Modus amouendi, per speciem honoris, mandando speciosas & impendiosas functiones. Sic Turrianum in Britanniam Legatum mittes, qui te potentior erit, quam diu Bohemiam incolet, sic Mansfeldium aliò ablegabis.

Modus alius per accusatores, vt litem intendant ciuilem, vt calumnijs variè petant vexentque. Nunquam inter discordes deerunt occasiones: Tu sere discordias & pugnas. Qui amantes sunt libertatis, & exacto altoque ingenio, eos omnibus technis & versutijs perseguere. Exemplum nuper in Batauiā editum, & sanè Barneuelgium, vix totis viribus connixi, Mauritius socerque tuus occiderunt, quod tamen necessarium erat, sed hoc actum cautissimè & prouidentissimè, vt per ipsos Ordines occideretur.

XXX.

Omne periculum in regno tuo Tibi imminet à Proceribus

scrib
tolle
miā,
acerr
tur.
tes &
suo p
rare:
tere.
bi, &
vt con
osi rec
tantur
le, do
volent

FL

oppre
dicia,
rando
Senato
natus
tanqu
bis, &
naber
cerum

NV
ce

habe, i
te bell

AE
te

ceribus. Hos eliminandi, deijciendi, aut etiam è medio tollendi hunc modum tene. Tres sunt ordines in Bohemiâ, Dominorum, Nobilium, & Ciuitatensium. Inter hos acerrima æmulatio est, Ciuitatenses enim ferè contemnuntur. Tuum erit, primò aggredi Dominos, hoc est, Comites & Barones, Deinde Nobiles, postremò Ciuitatenses iure suo priuare: Domini erunt ferè auferendi è medio, nec mirare: Documentum Regium est; Spicas eminentes decutere. Nisi feces, secabere. Primò, qui familiares sunt Tibi, & Tuis, per idoneos homines, magnâ illos spe inflabis, vt contemnant præ se reliquos, iniuriosè agant, ideoque exosi reddantur. Deinde inter se vt contendant ac committantur, effice, sicque aliquos tolle. Ciuitates interim extolle, donec per eas Nobilitatem dejeceris, cui rei illæ operam volentes lubentesque conferent.

Florentibus enim Proceribus, precariò regnabis. Illis oppressis, Ciuitates adorièris, ad Te tuosque reuocando iudicia, Ciuium querelas contra Magistratus audiendo, curando, iuuando; Sic venies ad mutationem cribrationemque Senatorum, qualem in Hollandia nuper instituere. Vbi Senatus fuerit tuorum humorum, tandem rusticos & pauperes, tanquam popularis & Tribunicia potestatis, Ciuibus aequalibus, & sine labore, sicut desiderat cor tuum, absolutè dominaberis. Vno verbo: morte vel exilio trecentorum procerum, regnum tuum in tuto collocabis & stabilies.

XXXI.

NVnc præclara occasio se offert, Exercitum habes, eo domabis & tuos, Militem cole, & ex Germanis tuis habe, ipse in castris esto. Dux tuus potentior Te erit, si pro te bella gerat.

XXXII.

Aerarium ne Status habeant, Tu semper aliquid pete, si in te transferre non poteris, fac vt diuidant ipsi, quod

quod haud difficultè assequeris. Denique quod caput est,
Pragam compeſce.

XXXIII.

Germanos tuos Principes adorabis: Comitibus co-
miseris & blandus, ludes & potabis cum illis, mores
eorum sic disces. Cum urbium legatis, de eorum commo-
dis ages, & quia totas Curias inaurare non potes, Syndicos,
Secretarios, & qui auctoritate præ cæteris pollent, Tuos fa-
cies, nullis impendijs parces.

Hoc suadeo, vt oportunè opulentas vrbes, Noribergam,
Vlmam, cæteras in tuam redigas potestatem, nam eorum
opibus firmitè te communire poteris. Imitare Iul: Cæsa-
rem, aliosque, qui complures vrbes prædæ causa diripuere.
Non offendes eare Principes & Nobilitatem, si & illis bo-
lum aliquem in fauces inieceris. In Hollandiâ clandesti-
nis nunc agitur machinis, vt Ambsterodamum sit in Mauri-
tij potestate: tantæ enim ibi opes sunt, vt decennali bello
sufficiant. Francofurtum si inescare & inuadere possis, mi-
rificè rem tuam stabilieris. Egentes & obæratı ciues, spe
spoliorum illecti, lubentissimè Tibi mutuas tradent operas.

Si vrbes dolo blanditijsue capere non poteris, plebeios
vulgusque promiscuum concita, Tribunus plebis esto, Patri-
ciorum fastum, insolentiam, iniurias, contumelias, vltum,
venire te simula. Scis, quàm id Noribergæ, Vlmæ, Fran-
cofurti, Wormatiæ, gratum sit. Urbibus occupatis, ea-
rumque neruo validus fortisque, Comites aliosque nobiles
in ordinem redige, & summa illa papauerum capita pru-
dentè demete. Non enim alitè Rex eris.

XXXIV.

An te omnia, ne tuum cum Turcâ foedus cognosca-
tur, aduerre, Catilinam enim patriæ, & libertatis Ger-
manicæ proditorem dicent. Nemo enim ignorat, Turci-
cæ tyran-


ca tyrannidi receptum esse, Principes & Nobilitatem è me-
dio tollere.

Denique in Regno, in quo nihil præter vim habes, vim
exerceto, sed mistam dolis astuque, donec omnia possideas.
Turcam metuè, Gabrielem caue, contra Austrios pugna,
Procères Bohemos sensim minue, Ecclesiasticos ne time, ne
ad desperationem adige. Nunquam bellum offensiuum,
gerent, etiam si potentiores: Animalia nulla leonem ag-
grediuntur, mille oves nunquam vnum lupum inuadunt,
nec leonem centum boues. Tu leo es, non timebis eos, sed
vires contra hostes alios verte. Morauiam custodi, hære-
dibus prospice. In Belgio Hispaniensi, speramus aliquot
Ordinum Viribumque transfugia, quod si euenerit, res tuæ
in tuto erunt: Sed festinandum, nam omnes confœderati,
eodem tempore, & Te Regem Germaniæ, & Mauritium
Dominum Belgij videre summis votis exoptant. Sit am-
diu quieuerit Gallus, haud dubiè vicimus. Iam enim Prin-
cipes vrbesque vobis fœdere vnitas, vt se parent, excitau-
mus. Ponemus in medio Franciæ, si possumus, Bullio-
nium, aut eius filium, si non possumus, quemuis, qui se no-
bis iunxerit.

Hic autem nunc desino, & hæc monita è media arte Po-
liticâ deprompta, vt altâ mente recondas, inq; vltum & actio-
nes tuas feliciter transferas velim. Reliqua pro re na-
ta, vbi tempus causaque poscet, lubens, vt i-
possum, vti debeo, fideliter com-
municabo.

F I N I S.





Biblioteka Jagiellońska



stdr0022203

